



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 9 Zakona o eksproprijaciji nekretnina u Brčko distriktu BiH (Službeni glasnik Brčko distrikta BiH, brojevi 26/04, 19/07, 2/08 i 19/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10) i Prijedloga odluke gradonačelnika broj: 30-000281/11 od 15. 8. 2011. godine, Skupština Brčko distrikta BiH na 50. redovnoj sjednici održanoj 7. septembra 2011. godine, donosi

ODLUKU O UTVRĐIVANJU JAVNOG INTERESA

Član 1

Utvrđuje se da je od javnog interesa za Brčko distrikt BiH izgradnja vodovodne mreže u ulicama Bareš 1 i Bareš 2, stambeno naselje „Dizdaruša“ u Brčko distriktu BiH, na dijelu zemljišta označenom kao k.č. broj 102 (54/2 i 54/5) KO Dizdaruša i k.č. broj: 1972 KO Brčko 3, stambeno naselje „Dizdaruša“ u Brčko distriktu BiH, prema Rješenju o lokacijskim uslovima, broj: UP-I-22-06-000220/10 od 8. 4. 2010. godine, Uvjerenju, broj: UP-I-22-001373/11 od 26. 7. 2011. godine, kojim se potvrđuje da lokacijski uslovi nisu promijenjeni, i Grafičkom izvodu iz Izmjena i dopuna Urbanističkog plana grada Brčko II - lokacija objekta, broj: UP-I-22-06-000220/10 od 8. 4. 2010. godine.

Član 2

Korisnik eksproprijacije iz člana 1 ove odluke je Brčko distrikt BiH.

Član 3

Sredstva za izgradnju vodovodne mreže u ulicama Bareš 1 i Bareš 2, stambeno naselje „Dizdaruša“ u Brčko distriktu BiH, iz člana 1 ove odluke osigurana su u kapitalnom budžetu Brčko distrikta BiH za 2008. i 2011. godinu.

Član 4

Nalaže se Odjeljenju za prostorno planiranje i imovinskopravne poslove da izvrši nepotpunu eksproprijaciju, s ciljem sticanja prava služnosti na neodređeno vrijeme, radi izgradnje vodovodne mreže u ulicama Bareš 1 i Bareš 2, stambeno naselje „Dizdaruša“ u Brčko distriktu BiH, na dijelu zemljišta označenom kao k.č. broj 102 (54/2 i 54/5) KO Dizdaruša i k.č. broj: 1972 KO Brčko 3, stambeno naselje „Dizdaruša“ u Brčko distriktu BiH u skladu s detaljno utvrđenim lokacijsko-tehničkim uslovima.

Član 5

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02 -451/11

Brčko, 7. septembra 2011. godine

**PREDSJEDNIK
SKUPŠTINE BRČKO DISTRIKTA BiH**

Esad Atić

Dostavljeno:

1. Predsjedniku
2. Dopredsjedniku
3. Gradonačelniku
4. Odjeljenju za komunalne poslove
5. Odjeljenju za prostorno planiranje
i imovinskopravne poslove
6. Sektoru za koordinaciju politika i opće poslove
- Odsjeku za opće poslove
7. Arhivi